

新疆識略

欽定新疆識畧卷七

營務

新疆滿洲綠營官兵分布南北兩路有駐防換防之分駐防者攜眷之兵永遠駐守惟伊犁及烏魯木齊古城巴里坤滿洲綠營爲然吐魯番滿營兵亦如之其北路之塔爾巴哈台滿兵則自伊犁調撥南路之喀什噶爾英吉沙爾葉爾羌烏什阿克蘇滿兵則自烏魯木齊古城巴里坤調撥其綠營兵則自陝甘各營調撥皆輪班更替非常駐者也伊犁地處西陲將軍鎮守故駐有滿洲蒙古八旗

兵有綠營屯兵有錫伯索倫察哈爾厄魯特等兵  
約束嚴明所以靖邊圉而資控馭而溯其始駐之  
年各有不同惠遠城滿營始自乾隆二十九年至  
三十一年由熱河涼州莊浪移駐惠寧城滿營始  
自乾隆三十五年至三十六年由西安移駐錫伯  
營始自乾隆三十年由

盛京移駐索倫營始自乾隆二十九年由黑龍江移  
駐察哈爾營始自乾隆二十九年由張家口外移  
駐厄魯特營有自乾隆二十九年由熱河移駐者  
爲達什達瓦厄魯特達什達瓦者準噶爾台吉小

策零敦多卜之子爲其汗喇嘛達爾濟所殺屬衆  
投誠安插熱河事在準噶爾未滅之前有自準噶  
爾旣滅於乾隆二十五年以後陸續招撫並由哈  
薩克布魯特投出者又有沙畢納爾人等於乾隆  
三十六年隨土爾扈特歸順安插伊犁者此外綠  
營屯兵則自乾隆二十五年由陝甘兩省陸續換  
防至四十三年始改爲攜眷永遠駐防此各營官  
兵先後駐防之大畧也其兵制額缺分門詳載茲  
特志操演法制之詳軍器庫貯之數及營務成案  
編爲一門以便稽考云爾

惠遠城滿營官兵四千三百七十員名烏鎗步甲  
四百名內除換防塔爾巴哈台喀什噶爾及出卡  
倫各項差使外其餘官兵定例每月逢四七十日  
演合隊行操二八日演過堂準頭馬鎗一五九日  
演步箭三六日演馬箭惠寧城官兵亦然

錫伯索倫察哈爾厄魯特四營各於屯所游牧隨  
時操演鎗及騎射

綠營兵隨時操演其屯田兵俟秋收後輪流操演  
俱習鎗箭間習刀矛藤牌

每秋季春季分旗在四城門樓清晨吹海螺二月

十五日起三月初一日止七月十五日起八月初一日止每兩旗派官一員專管滿營檔房委章京一員稽查

每年夏秋將軍隨時親赴教場閱看本城滿營官兵技藝並赴惠寧城閱看滿營官兵技藝

每年秋將軍帶兵赴哈什一帶演圍以肄武備

每年八九月間將軍派領隊大臣帶同官兵巡查

哈薩克邊界酌收馬稅踰一二年派領隊大臣帶

同官兵巡查布魯特邊界

哈薩克游牧自西而北過塔爾巴哈台直接科

布多交界每年巡查哈薩克邊界原爲收取馬租定例不準冀圖多收量其所能而取之所以示體

恤也至布魯特邊界遠在西南哈爾奇喇卡倫以  
外越善塔斯太畢勒哈圖等山行數百里始見其  
游牧之人至特穆爾圖淖爾兩岸間有布魯特所  
種田地向之巡查官兵謾聽嚮導厄魯特謊言每  
踐踏田禾此項厄魯特皆平定準噶爾時竄赴布  
魯特因被凌虐始行投出者大凡巡查邊界之領  
隊大臣多以通曉布魯特語言之厄魯特為通事  
並為嚮導該厄魯特藉此洩忿因以布魯特必須  
踐踏其田禾使知畏懼為言是以每逢巡查竟將  
踐踏田禾稟知將軍入告相沿已久遂為成例  
後有察哈爾部落副總管職銜巴雅斯瑚朗者具  
言其狀自是以來巡查邊界之領隊大臣始禁官  
兵踐踏田禾布魯特人等無不頂感大皇帝仁  
羣相歡悅盡邊界者係指卡倫以外接界處所而  
言果其於卡倫界內種地自應踐踏且該游牧人  
倫以外數百里之遠本與邊界無涉且該游牧人  
等藉種地而資生計豈可聽從厄魯特任意踐踏  
因推所以深入布魯特游牧巡查之故起自副將  
軍侯富德當時因向哈薩克追阿睦爾撒爾集占  
折赴布魯特至喀什噶爾追討同逆霍集占等中

迭會經具奏布魯特游牧原保準噶爾所有至  
後始有巡查布魯特之役其實布魯特並非準噶  
爾所有該部落沿邊頭人名之曰比郎伯克之稱  
投誠以來一如哈薩克恭順以此較之名雖巡查  
邊界實則巡查游牧若不嚴禁官兵藉端滋擾殊  
不足以服外夷之心是歷任將軍必宜諄囑巡查  
邊界之領隊大臣及各項官兵斷不可賤踏布魯  
特田禾此事最爲切要傳知兩城滿營檔房並各  
領隊大臣衙門存記每於官兵巡查起程時通行  
曉諭嚴禁滋擾布魯特歷年遵行因附記於此

每年冬月將軍赴綏定城閱看綠營官兵技藝

每年十月閒八旗陳軍器於惠遠城東門外教場

按旗排立將軍親往查閱

每年十月滿營及綠營官兵在紅山口演放礮位  
十數日惠遠城派協領一員佐領以下官二員惠



寧城派協領一員佐領以下官一員綠營派都司一員千總把總各一員共兵四百二名其礮位鐵子鉛丸火藥俱在軍器庫照數領出其鉛丸照檢七銷三之例辦理

行操式

嘉慶九年將軍松筠

奏演行操式每演之日詣旦各旗官兵齊集教場演武廳前兵分八隊令按八旗分中左右三軍以鑲黃旗官兵爲中軍跼立中間以正白旗官兵爲左軍跼於左翼以正紅旗官兵爲右軍跼於右翼以

鑲白旗官兵爲前隊站於中軍之前以鑲紅旗官兵爲後隊站於中軍之後以正黃旗官兵爲殿後站於後隊之後以正藍鑲藍兩旗官兵分爲二隊爲伏兵教場寬闊立瞭臺三座相去各數百步一西一東一又東當各旗官兵分隊站立之際卽飭正藍鑲藍兩隊伏兵潛行伏於又東瞭臺之東於是鑲黃等六旗各統領率同隊長兵丁吹海螺齊以列陣各隊官兵俱各整立中軍揮旗止海螺鳴號礮三擊鼓各隊按次前進至西瞭臺前哨馬兵報於中軍該章京卽揮鑲白正紅之旗鳴礮以前

隊及右翼官兵吶喊而出向瞭臺先操以三進連環鎗繼以拋擲火毬繼以連射當是時中軍揮正白鑲紅之旗鳴號礮一後隊及左翼官兵穿出整隊正進至東瞭臺兩隊同擊鼓鳴礮一兩隊官兵吶喊前進操演與前隊右翼同當是時前隊右翼官兵檢拾箭枝已畢與中軍官兵相繼趨至前隊與右翼紮住不動吹螺鳴礮一獨中軍官兵前進與後隊左翼相合操演如前正操時中軍揮鑲白正紅之旗鳴礮三前隊右翼官兵亦照後隊左翼官兵旁出整隊前進吹螺行至瞭臺其鳴礮操演

與後隊左翼同當是時中軍及後隊左翼檢拾箭  
枝已畢相繼趨至吹螺紮住中軍揮正黃之旗殿  
後援兵鳴礮一吶喊出戰與前隊右翼官兵相合  
操演亦如前當是時中軍揮鑲紅正白之旗鳴礮  
三後隊左翼官兵卽分隊旁出未至又東瞭臺之  
際其先分投埋伏之兩藍旗官兵靜待中軍號礮  
至是中軍揮兩藍旗鳴礮三兩伏兵各奮勇吶喊  
出戰俱各進至瞭臺一箭之地揮旗勒隊見後隊  
與左翼官兵正在操演各鳴信礮一卽與後隊左  
翼官兵合演鳥鎗繼擲火毬又繼以連射演畢與

前隊右翼中軍殿後兵合至中央吹螺收軍中軍復吹海螺鑲藍正藍二旗在前分隊行走次鑲白鑲紅次正白正紅按隊續行次中軍接行殿後正黃旗仍尾行整隊俱各跼立中軍揮旗鳴礮三各隊俱鳴鼓緩退當是時中軍若揮某隊之旗令向某方操演則某隊之兵突出前往操演又接揮某隊之旗則某隊之兵突出援之繼操已畢吹螺復整大隊如例操式合操三進聯環畢按步伍分列八隊紮住吹螺而退每年十月演礮時所有行操官兵帶赴紅山口教練山操一次以習搶上壓下

之法

各營軍器數目

惠遠城滿營

纛四十八杆

盛甲一百三十副

撒袋四千零十副

弓四千六百二十張

梅針箭二十萬五千八百枝

腰刀四千四百一十把

帳房九百五十頂

鍋九百五十口

長鎗一千九百八十杆

前鋒手鎗二百三十二杆

前鋒校小旗四十杆

催總領催小旗一百六十杆

前項俱係官兵自備隨帶

烏鎗三千五百二十杆

俱官爲製給及由原營帶來

乾隆三十二年將軍阿桂

奏請由部頒到應給協領佐領等肅四十八杆領催

前鋒校等小旗一百九十二杆俱官爲存貯五十

五年將軍保寧

奏明官爲打造備用腰刀二千把貯軍器庫六十年  
奉

旨每兵製造麻火繩十丈共造火繩三萬五千二百丈俱  
係兵丁自造官爲存貯每年仍額造三千五百二  
十丈操演出陳易新

戰箭五萬四千五百八十枝

棉甲三千四百二十三件

大神礮一位

大銅礮八位

威遠礮四位



金定新身言  
小銅礮二位

小鐵礮二位

駱駝礮十三位

子母礮十六位

劈山礮一位

鑽巴喇特鳥鎗五杆

以上俱在本城軍器庫存貯其救火器具設有鐵  
鈎麻搭方頭棍俱係自備各營皆然

惠寧城滿營

燾二十杆

小旗八十杆

盛甲五十六副

撒袋二千零七十二副

弓二千三百六十八張

腰刀二千零八十八把

梅針箭十萬四千六百枝

帳房九百零四頂

鍋九百零四口

前鋒小旗十六杆

前鋒手鎗一百二十八杆

長鎗七百二十八杆

前項俱係官兵自備隨帶

鳥鎗一千六百九十六杆

乾隆四十二年將軍伊勒圖

奏請由部頒到應分給協領佐領等纛二十杆領催

前鋒等小旗九十六杆俱官爲存貯六十年奉

旨每兵製造麻火繩十丈共火繩一萬七千丈俱係兵丁自行造辦官爲存貯仍每年額造三千丈操演出

陳易新

棉甲九百副

大銅礮四位

威遠礮四位

駱駝礮四位

子母礮八位

以上俱在本城軍器庫存貯

錫伯營

撒袋一千零八十副

戰箭二萬三千七百七十枝

弓一千零八十二張

腰刀一千零十八把

前項俱係官兵自備隨帶

乾隆三十二年將軍阿桂

奏請由部頒到纛九杆小旗三十二杆在本營公所  
存貯三十三年將軍阿桂

奏明卽以兵丁錢糧在內地置辦撒袋三百副腰刀  
三百把俱已補給兵丁外又戰箭三萬枝及該營  
原帶來鳥鎗三百七十杆並本處添置長鎗一百  
二十二杆俱在該營領隊檔房存貯

索倫營

撒袋一千零五十八副

戰箭四萬四千四百五十枝

弓一千一百五十九張

腰刀一千零五十八把

前項俱係官兵自備隨帶

乾隆三十二年將軍阿桂

奏請由部頒到纛九杆小旗三十二杆在本營公所  
存貯

### 察哈爾營

撒袋一千八百三十七副

弓一千九百三十七張

腰刀一千八百三十七把

長鎗八百六十八杆

鳥鎗三百四十七杆

前項俱係官兵自備隨帶

乾隆三十二年將軍阿桂

奏請由部頒到纛六杆小旗十六杆在該營公所存貯

厄魯特營

厄魯特營官員並無額設器械惟兵丁每人本身各有鳥鎗一杆長鎗一杆乾隆三十二年將軍阿桂

奏請由部頒到纛十六杆小旗五十六杆嘉慶四年將軍保寧

奏明該營兵丁自製梅針箭三萬三千三百枝鐵長

鎗頭四十箇俱在該營公所存貯

綠營

撒袋九十八副

弓一百九十六張

腰刀九十八把

戰箭一萬一千枝

以上俱係官員自備隨帶

撒袋一千三百四十三副

以下皆由原營帶來

弓一千三百四十三張

戰箭五萬五千九百枝

鳥鎗一千三百八十九杆



腰刀三千把

剗刀四十一把

長矛一百五十一把

威遠礮二十四位

子母礮十三位

大礮旗四十四杆

先鋒旗九十六杆

督陣旗四十四杆

號令旗二十五杆

什長旗二百二十杆

鐵盔甲一千五百副

棉盔甲一千五百副

號衣帽各三千件

帳房五百二十六頂

乾隆五十四年由惠遠城軍器庫撥領藤牌三百

面五十六年衆兵自請在惠遠城軍器局買弓一

千八百六十張

前項器械俱在本營公庫存貯凡遇兵丁操演出差隨時由庫領用

軍器庫每年應收硝磺數目

烏什應運硝六千五百九十九觔六兩九錢七分

喀喇沙爾應運硝四百二十八觔

庫車應運硝三百觔

烏魯木齊應運硝五千觔

以上共硝一萬二千三百二十七觔六兩九錢七分

庫車應運磺四百一十三觔七兩三錢二分五釐  
阿克蘇應運磺一千三百七十八觔一兩八錢三分五釐

以上共磺一千七百九十一觔九兩一錢六分

火藥局

每年撥給硝九千觔磺一千五百觔配造火藥一

萬二千觔以供兩城滿營之用其綠營操演所用  
火藥鉛觔由庫支領報部核銷再每年因操演添  
撥硝二千二百餘觔磺六百餘觔配造火藥三千  
觔除運送塔爾巴哈台火藥一千五百觔外餘爲  
添給操演各項差使之用

營務成案

乾隆三十二年將軍阿桂

奏定營務章程摺內所有錫伯索倫察哈爾厄魯特  
總管關防佐領圖記改鑄發給其各營官兵應得  
纛幟若一色製給不能分析何項兵丁再滿洲兵

丁由涼州莊浪原處帶來肅幟俱已損壞大小寬長不一熱河滿洲兵丁移駐之初並未帶有肅幟亦請造一分賞給因將分別管部肅幟式樣旗色繪圖恭呈

御覽得

旨允行

乾隆五十五年將軍保寧條奏調劑惠遠城滿營兵丁情形六款奉

硃批著軍機大臣等議奏欽此經軍機按款核覆一據奏稱伊犁地處邊陲官差甚繁兵多益善惠遠城滿

營官兵駐劄年久現在增添十六歲以上壯丁幼  
丁二千名雖有步甲缺六百分因係養贍伊等家  
口遇有缺出並不論身材年歲不擇步射騎射惟  
以人口衆多無餉之人得給此內年幼者不能當  
差年已及歲人等不過僅敷當差之用不似京師  
操演請由現在步甲壯丁幼丁內挑選四百名不  
使當一切差使專派官員只訓練伊等打過堂打  
把遇有馬甲缺出停止由壯丁幼丁內挑選卽由  
伊等內挑取所有糧餉俱請照步甲一例得給舊  
有步甲六百名仍照舊視伊等家口多寡作爲養

贍分例得給年已及歲者令當步甲差使所有一  
年支放六千餘兩餉銀卽請由伊犁稅租內動支  
所需鳥鎗四百杆將現今伊犁所有損缺鳥鎗妥  
爲修理每名各給一杆等語查伊犁乃新疆要匯  
之區兵丁移駐年久生齒日繁若稍增益兵缺於  
防守地方養贍壯丁幼丁均屬有裨所奏尙屬可  
行應請如所奏辦理一據奏稱現在伊犁惠遠城  
雖有前鋒校前鋒委前鋒共四百四十名每歲換  
防查邊護守哈薩克等差需人甚多竟不能著意  
操演請由披甲內挑選六十名與前鋒一併操演

當差仍令食原餉再該城八旗四十佐領下共有  
前鋒校三十二名不敷管束請由前鋒內再委前  
鋒校八名共作爲前鋒校四十名每佐領下合前  
鋒校一名令其管束伊等亦照前鋒校令其戴用  
金頂藍翎毋庸添支得項等語查伊犁前鋒營應  
當官差甚多前鋒若少不但不能輾轉且亦不能  
著意操演所奏尙於公事有益應請如所奏辦理  
一據奏稱伊犁兩城滿營壯丁幼丁等不但應教  
習技勇凡耐習勞苦行營之道亦應預爲教演請  
嗣後凡有派出查邊坐卡出牧坐臺打圍等差官



兵如有情願將伊等子弟帶往者卽聽伊等作爲  
跟役帶往教訓如無乘騎馬匹者請由該營官馬  
內通融撥給乘騎仍飭令帶往官員等嚴行管束  
禁止代替伊等父兄當差等語查壯丁幼丁等俱  
係預備挑甲之人未當差以前卽教習馬上行營  
之道經歷耐習勞苦挑甲後俱可成得力好兵係  
預爲學習一切差使起見尙屬可行請如所奏辦  
理惟無馬者通融撥給官馬乘騎之語微似含糊  
現今伊犁營中有無備用餘馬之處摺內並無聲  
明臣等擬難懸定請令保寧查現在伊犁各營廠

內如有現成富餘馬匹量加通融辦理卽撥給官兵帶往無馬之子弟乘騎外否則毋庸辦添馬匹一據奏稱凡兵丁習學步射騎射俱取式樣演習者無非欲觀瞻之美但圍場殺牲皆恃馬上去得步射結實弓硬有準所以關東之人漢仗好能多殺牲者並不在乎式樣請將伊犁兵丁照關東人步射騎射停其習學式樣但令練習馬上猛勇弓硬有準嗣後凡遇挑缺俱停止挑取式樣若非八力以上之弓步射騎射準頭平常者概不挑取等語查步射騎射原不在乎式樣準頭若好凡差使

之處自可得力然準頭好者不必盡屬關東人果肯每日黽勉習學不時操練無論關東人及內地之人皆能有準今該將軍所奏雖係欲使兵丁步射騎射俱以準頭爲要但毋庸拘泥內地式樣與關東人式樣嗣後惟視其人之身材膀背取樣令其不時練習務使馬上猛勇步射結實弓硬有準挑選卽請如所奏辦理一據奏稱伊犁兵丁操演步射騎射放鎗又全行操演馬上三鎗惟三鎗一項無甚用處數千名兵丁人人每日令其全行操演不惟反悞別項技藝一年枉費火藥數百觔徒

勞馬力若將此項馬匹移於圍場令兵丁乘騎多  
多教習行圍較放三鎗尤勝請嗣後停止兵丁全  
行演放三鎗亦照健銳營火器營一例止挑選百  
名專令操演以備筵宴哈薩克之用其中挑取好  
者亦照健銳營火器營之例每月支給公費銀兩  
以示鼓勵此項銀兩由官舖所得利銀內支領得  
賞給等語查三鎗雖係兵丁馬上技藝但伊犁兵  
丁甚多若全行操演反占工夫以致各項技藝俱  
不能健銳而亦多勞馬力應請如所奏辦理一據  
奏稱伊犁所有各色礮位每年十月演放一次照

例於礮位三分之中請出一分演放惟兵丁熟悉礮位放出礮子情形使用之際方可期於得準請嗣後演放礮位毋庸拘泥定例全行請出演放等語查伊犁地處邊陲非內地可比每歲演放礮位理應全行請出演放不惟兵丁得以熟悉所有礮位放出礮子情形而倡揚演放亦於地方增添威勢從前照內地之例三分中請出一分演放者皆緣前任將軍等過於拘泥今應如所奏辦理惟保寧係總統伊犁等處將軍似此地方瑣細之事自行主張辦理尙無不可今亦作爲一事入摺具奏

稍覺繁賔應請飭令嗣後如有此等瑣細之事毋庸按款賔陳惟宜酌量於地方情形公事有裨者卽爲辦理奉

旨依議欽此

欽定新疆識畧卷八

庫儲

周禮天官有太府玉府內府外府又有職內職歲職幣蓋府藏之司經國之大權也伊犁惠遠城建設倉庫乾隆四十年

奏由陝甘調派丞倅一員以專責成糧餉而外凡綢緞棉花茶布以及圖籍法物之屬皆掌之夫

國家建置伊犁地廣事繁統計滿漢文武及錫伯索倫察哈爾厄魯特等營凡設官一千四百餘員養兵一萬九千餘名屹然稱重鎮矣其間自將軍大

臣以下至同知巡檢及滿營官兵則有糧有銀錫  
伯索倫察哈爾厄魯特回子阿奇木伯克土爾扈  
特王公則無糧有銀綠營官弁及馬兵則有銀有  
馬料有折色步兵則有銀有折色統計其數用餉  
者每歲需銀六十七萬八千九百餘兩用糧者每  
歲需各色糧十三萬五千餘石所用之糧取之於  
惠遠城惠寧城固勒札綏定城塔勒奇五倉收貯  
回子綠營所交之糧所用之餉取之於甘肅撥解  
者六十一萬餘兩取之於本地租稅及茶馬棉花  
布匹者七萬八千九百餘兩然帑項之儲藏有定



而兵民之仰食日增現在歲收之糧大麥穀子雖有儲蓄而小麥則無贏餘所調之餉常歲雖足敷用而有閏之年則須加調是量入爲出管庫之職矣謹敘其畧以備綜核並以綢緞棉花茶布圖籍法物類附於後

糧入數

惠遠城倉每年收綠營屯糧並同子應交糧石支  
放本城滿營官兵口糧

惠寧城倉每年收綠營屯糧並同子應交糧石支  
放本城滿營官兵口糧

固勒札倉專收回子糧石水運至惠遠城倉收貯以備支放

綏定城倉專收綠營屯糧搭放惠遠城官兵口糧塔勒奇倉專收綠營屯糧搭放惠遠城官兵口糧

以上回子每年交粗糧十萬石

大麥二萬五千石小麥二萬五千石

穀子五萬石又交銅鉛廠夫口糧小麥二千石其綠營

按屯視其收成分數交納

綠營應交細糧以細糧難於倉貯仍核交粗糧

其粗糧細糧核折分數小麥一石折細糧九斗大

麥一石折細糧八斗四升六合七勺穀子一石折

細糧粟米五斗稻子一石每屯十八分至二十八

折細糧粳米三斗三升分不等其十八分者應交細糧一千八百零六石

三斗九升七合七勺核交粗糧二千零三十石零  
八斗八升小麥一千五百九十九石九斗大麥三百九十六石零八升豌豆十石穀子十石五斗稻子十二石菜子二十八分者應交細糧一石二斗胡麻一石二斗  
二千八百零六石三斗七升三合七勺核交粗糧  
三千一百三十一石二斗四升小麥三千零八十八石三斗四升大麥十石豌豆十石穀子十石五斗稻子十二石菜子一石二斗胡麻一石二斗綠營又交  
烏鎗步甲口糧小麥一千六百石

糧出數

惠遠惠寧兩滿城官兵及各出差官兵並將軍大臣同知等官口糧乾隆五十七年以前每年應需

各色糧一十六萬六千六百六十餘石內綠營兵  
丁應需各色糧三萬一千六百三十餘石自五十  
八六十年陸續奏將綠營兵丁應支糧石改爲折  
色自後每年各項共應支放各色糧一十三萬五  
千餘石

錫伯索倫察哈爾厄魯特四營除照例支給餉銀  
外所有口糧俱係自耕自食

餉入數

伊犁所收房租稅銀一萬九千零九十餘兩

內除照例

留存銀一萬兩以備每歲查邊坐卡演圍及撫防官兵預支鹽菜等項公用按年造報外其餘撥歸

正項銀九千  
零九十餘兩

又扣收官兵領買綢緞布棉茶葉馬羊價銀六萬  
零四百七十餘兩

寶伊局鑄獲錢文搭放兵餉節省銀二千二百三  
十餘兩

每年所調俸餉銀內約餘銀七千一百餘兩

上年所餘

歸入次年正  
項支用造報

甘肅藩庫撥解銀六十一萬兩

此項餉銀係先一  
年預行奏調交

庫收貯以備次年搭放官兵俸餉查伊犁兩滿營  
綠營及錫伯索倫察哈爾厄魯特四營官兵冬春  
每月大建應支銀五萬五千七百四十兩零一錢  
小建應支銀五萬四千五百五十四兩六錢夏秋

每月大建應支銀四萬三千二百二十五兩五錢  
小建應支銀四萬二千四百七十三兩七錢每年  
所調皆核照此數辦理若遇有閏之年即不敷用  
冬春閏月須加調銀五萬餘兩夏秋閏月須加調  
銀四萬  
餘兩

以上共銀六十八萬八千九百餘兩

餉出數

將軍大臣侍衛官員等估需養廉鹽菜銀一萬四  
千二百餘兩  
查南北兩路將軍大臣及哈密道員  
等養廉設自乾隆二十五年伊犁將  
軍歲支銀二千兩叅贊大臣歲支銀一千五百兩  
領隊大臣歲支銀一千兩各城以是爲差嗣於三  
十二年大學士公傳恒等奏言伊犁回疆移駐  
官兵設立將軍大臣等辦理事件計其地方大小  
事務多寡分給養廉銀兩但地係邊疆諸凡較內  
地昂貴加以年歲豐歉不同將軍大臣等日用及

出卡巡查邊界賞項頗繁每年得項無多不免拮  
据今蒙 聖恩飭交酌議加增伏思此項加  
增銀兩自應於內地各省將軍每年得項內酌減  
籌款但內地各省將軍每年二三千兩者僅止數  
處其餘多係一千數百兩雖量為裁減仍屬無益  
於事查平定新疆以來甘肅等處裁兵丁卡倫  
馬料及京口杭州等處出旗漢軍旗丁俸祿錢糧  
口食馬料折色等項每歲節省銀共一百二十九  
萬餘兩現今伊犁回疆大臣官員兵丁等共需銀  
七十六萬六千餘兩將所存節省銀一百二十九  
萬餘兩之中開除七十六萬六千餘兩尚餘銀五  
十三萬餘兩請由此項銀內撥出銀二萬兩均勻  
分給則新疆將軍大臣等可得寬裕等因當經議  
定伊犁將軍養廉銀二千兩加三千兩參贊大臣  
養廉銀一千五百兩加一千兩領隊大臣養廉銀  
一千兩加五百兩南北兩路參贊辦事各大臣俱  
酌量加增至三十五年七月復據軍機處咨開伊  
翠將軍養廉銀五千兩減二千兩參贊大臣養廉  
銀二千五百兩減一千兩領隊大臣養廉銀一千  
五百兩減二百五十兩各城皆遞減是年九月大

學士尹繼善等奏言據御史穆隆阿奏稱伊犁  
同疆將軍大臣因遠駐邊疆辦理事務故給與養  
廉較爲優厚而各處司員並無得項惟給鹽菜銀  
兩司員每月七兩筆帖式等三兩不免拮据可否  
畧爲加增等語查平定伊犁回疆等處後派將軍  
大臣等辦理各處事務給與養廉其部院章京筆  
帖式等前因係跟隨將軍大臣前往留於軍營或  
大臣等事務繁多奏請帶往並無定數故俱照軍  
營給與鹽菜口糧今伊犁回疆各城開屯積糧無  
甚費項各大臣等既有養廉銀兩部院章京筆帖  
式等每月惟給七兩至三兩爲數甚少穆隆阿奏  
請加增尙屬可行臣等酌議將各處大臣養廉銀  
兩酌量裁減所減出銀內酌給章京每月鹽菜銀  
十五兩筆帖式每月鹽菜銀八兩原給米麵仍照  
舊例給發伊犁將軍養廉銀三千兩無減余贊大  
臣養廉銀一千五百兩減五百兩領隊大臣養廉  
銀一千二百五十兩減五百五十兩塔爾巴哈台  
參贊大臣養廉銀二千兩減五百兩其領隊大臣  
照伊犁之數減烏什參贊大臣養廉銀二千兩減  
五百兩喀什噶爾總辦大臣養廉銀一千六百兩



減六百兩葉爾羌總辦大臣養廉銀一千六百兩  
減五百兩烏什喀什噶爾葉爾羌三處協辦大臣  
養廉銀一千一百兩皆減四百兩喀什噶爾葉爾  
羌和闐英吉沙爾領隊大臣烏魯木齊協辦大臣  
及庫車喀喇沙爾開展辦事大臣養廉銀九百兩  
皆減三百兩烏魯木齊總辦大臣養廉銀一千三  
百五十兩減三百五十兩哈密辦事道員養廉銀  
一千兩減三百兩協辦道員養廉銀六百兩減二  
百兩作各城司員鹽菜之需奏准施行其後各  
城官制屢更而養廉鹽菜仍舊遵行附識於此

惠遠惠寧兩城滿營官兵估需俸餉紅白事件銀

三十八萬三千二百七十餘兩冬春每月銀三萬六千五百八十六

兩夏秋每月銀二萬四千二百五十兩零五錢

乾隆三十五年三月將軍增海奏言伊犁去年

所收房租稅銀一萬餘兩除公用外尚餘銀七千

一百九十餘兩與舊積存銀共計三萬餘兩請以

此項備充公用奉旨涼州莊浪兵丁現在

伊犁數年能耐勞苦武藝亦畧爲嫻習甚有出息

加恩將此項銀兩作為伊犁兵丁紅白事件賞項  
交該將軍軍摺節辦理欽此是年五月將軍增海  
奏言涼州莊浪滿兵未移駐伊犁之先遇有紅白  
事件例給賞銀驍騎校等紅事十兩白事二十兩  
領催前鋒等紅事十兩白事十六兩馬甲礮手紅  
事八兩白事十六兩步甲紅事十六兩白事十兩  
寡孤獨紅事四兩白事八兩若子弟錢糧賞給另檔  
未食錢糧者即照伊祖伯叔兄弟錢糧賞給另檔  
養子照另戶賞給其時兵丁四千二百餘名事多  
之年需銀四千五百餘兩事少之年需銀三千三  
百餘兩今移駐伊犁比在涼州莊浪時增添官二  
員兵八十一名伊犁一年所收房租稅銀共一萬  
七十餘兩除公用銀二千餘兩外剩銀七八千兩  
而田園種歇鋪房開閉皆無一定若仍照原賞  
銀恐日久辦理致有不敷應請量加酌減驍騎校  
筆帖式紅事十兩白事十四兩領催前鋒紅事八  
兩白事十二兩馬甲紅事六兩白事十兩礮手小  
甲紅事四兩白事八兩鰥寡孤獨紅事四兩白事  
六兩另檔養子仍照另戶賞給等因奉  
硃批軍機大臣議奏欽此當經議准施行

錫伯營官兵估需俸餉銀二萬六千零七十一兩  
索倫營官兵估需俸餉銀二萬九千七百零一兩  
察哈爾營官兵估需俸餉銀二萬五千六百七十  
六兩

厄魯特營官兵估需俸餉銀三萬一千八百一十  
七兩

綠營官兵估需俸廉餉乾糧折公費紅白事件銀  
十三萬九千二百四十餘兩

撫民理事同知各城巡檢估需俸廉公費役食銀  
七千餘兩

軍臺官兵估需鹽菜銀九百八十餘兩

換防出差各項官兵估需鹽菜銀一萬兩

土爾扈特汗王貝勒貝子公台吉估需俸銀八千八百餘兩

喇嘛人等估需錢糧銀一千三百八十餘兩

糧餉出數細目

總統將軍一員歲支養廉銀三千兩口糧九千觔

合粗糧一百零二石三斗六升七合五勺

小麥五十五石

五斗五升五合五勺穀子四十三石八斗二升四合稍子二石九斗八升八合

參贊大臣一員歲支養廉銀一千兩口糧四千六

百八十觔合粗糧五十一石七斗九升六合六勺

小麥二十八石八斗八升八合八勺穀子十九石九斗二升稻子二石九斗八升八合

領隊大臣五員每員歲支養廉銀七百兩

其由伊犁協領

陞補者養廉外歲支口糧四千六百八十觔合粗

糧五十一石七斗九升六合八勺

小麥二十八石八斗八升八合

入勺穀子十九石九斗二升

稻子二石九斗八升八合京來卡倫侍衛十五員頭二等侍衛品級者歲支

鹽菜銀七十八兩口糧二十五石二斗八升五合

二勺

小麥十三石三斗三升三合二勺穀子十一石九斗五升二合

三等侍衛品

級者歲支鹽菜銀六十兩口糧二十一石零七升

零八勺小麥十一石一斗一升零護軍叅領品級

者歲支鹽菜銀八十六兩四錢口糧二十九石四

斗九升八合四勺小麥十五石五斗五升四合四勺穀子十三石九斗四升四合

副護軍叅領委護軍叅領品級者歲支鹽菜銀七

十二兩口糧二十一石零七升零八勺小麥十一石一斗零

八勺穀子九石九斗六升

印房等處司員八員每員歲支鹽菜銀一百八十

兩其由伊犁筆帖式陸補者鹽菜銀外歲支俸銀六十兩口糧二千五百二

十觔合粗糧二十九石四斗九升九合五勺小麥

石五斗五升五合五勺穀子十三石九斗四升四合

惠遠城管倉糧員一員歲支鹽菜銀七十二兩公  
費銀一百八十兩口糧一千八百觔書斗工食銀  
一百零八兩口糧一千零八觔二共合粗糧三  
十三石七斗一升三合七勺小麥十七石七斗七  
升七合七勺穀子十  
五石九斗  
三升六合

惠寧城綬定城塔勒奇城固勒札四倉糧員每員  
歲支鹽菜銀八十六兩四錢公費銀一百八十兩  
口糧二千五百二十觔書斗工食銀一百零八兩  
口糧一千零八觔二共合粗糧四十二石一斗  
四升二合二勺小麥二十二石二斗二升二合  
二勺穀子十九石九斗二升

撫民同知一員歲支俸銀八十兩養廉銀八百兩  
公費銀七百兩書役工食銀九百九十八兩四錢  
口糧一萬二千九百六十觔合粗糧一百五十一  
石七斗一升零二勺

小麥八十石穀子七十石七斗一升零二勺

理事同知一員歲支俸銀八十兩養廉銀八百兩  
公費銀七百兩書役工食銀五百一十八兩四錢  
口糧五千七百六十觔合粗糧六十七石四斗二  
升七合五勺

小麥三十五石五斗五升五合五勺穀子三十一石八斗七升二合

惠遠惠寧兩城巡檢二員每員歲支俸銀三十一  
兩五錢一分九釐養廉銀三百兩書役工食銀二



百七十三兩六錢口糧三千六百觔合粗糧四十  
二石一斗四升二合二勺小麥二十二石二斗二升二合二勺穀子十九石九斗二升

綏定拱宸兩城巡檢二員每員歲支俸銀三十一  
兩五錢一分九釐養廉銀三百兩書役工食銀二  
百二十五兩六錢口糧二千八百八十觔合粗糧  
三十三石七斗一升三合七勺小麥十七石七斗七升七合七勺穀  
子十五石九斗三升六合

印房等處額缺滿營貼寫十五名每名歲支工食  
銀五十七兩六錢

印房等處額缺緣管書識十四名每名歲支工食銀五十七兩六錢

官醫生一名歲支勞金銀六十兩口糧七百二十石  
勛合粗糧八石四斗二升八合四勺小麥四石四斗四升四合  
四勺穀子三石  
九斗八升四合

惠遠城滿營

協領八員每員歲支俸銀一百三十兩糧料折銀二百一十二兩六錢二分八釐本色糧三千一百七十二石  
七十二石  
勛八兩合粗糧三十五石三斗五升七合  
二勺小麥十九石五斗九升一合八勺穀子十三石一斗七升九合大麥二石五斗九升四合

五馬料十八石五斗一升六合

佐領四十員每員歲支俸銀一百零五兩糧料折銀一百四十六兩二錢九分二釐本色糧一千七百六十二觔八兩合粗糧一十九石六斗三升五合四勺

小麥十石八斗七升九合六勺穀子七石三斗一升一合五勺大麥一石四斗四升

四合馬料十二石三斗四升三合二勺三勺

防禦四十員每員歲支俸銀八十兩糧料折銀八

十九兩六錢七分六釐本色糧一千七百六十二

觔八兩合粗糧一十九石六斗三升五合四勺

小麥

十石八斗七升九合六勺穀子七石三斗一升一合五勺大麥一石四斗四升四合三勺馬料

七石七斗一升四合八勺

驍騎校四十員每員歲支俸銀六十兩糧料折銀

七十兩八錢本色糧一千七百六十二觔八兩合

粗糧一十九石六斗三升五合四勺

小麥十石八斗七升九合

六勺穀子七石三斗一升一合五勺大麥一石四斗四升四合三勺馬料六石一斗

七升一合六勺

筆帖式四員每員歲支俸銀二十一兩一錢一分

四釐加增鹽菜銀九十六兩糧料折銀五十一兩

九錢三分六釐本色糧一千七百六十二觔八兩

合粗糧一十九石六斗三升五合四勺

小麥十石八斗七升

九合六勺穀子七石三斗一升一合馬料四石六  
五勺大麥一石四斗四升四合三勺  
斗二升八合四勺

委筆帖式八員每員歲支鹽菜銀三十六兩  
其錢糧在

兵數內  
支領

前鋒領催四百八十名每名歲支錢糧銀三十六

兩糧折銀及糧料折銀三十七兩一錢二分八釐

夏秋二季每月糧折銀一兩八錢六分冬春  
二季每月糧料折銀四兩三錢二分八釐本色

糧一千七百六十二觔八兩合粗糧一十九石六

斗三升五合四勺  
小麥十石八斗七升九合六勺  
穀子七石三斗一升一合五勺

大麥一石四斗冬春二季共支馬料二石三斗一  
四升四合三勺

升四合二勺

馬甲二千八百十四名

內委筆帖式及軍臺委筆帖式十四員除另支鹽菜

口糧外仍領本名下馬甲錢糧每名歲支錢糧銀二十四兩糧折

銀及糧料折銀三十七兩一錢二分八釐

夏秋二季每月

糧折銀一兩八錢六分冬春二季每月糧料折銀四兩三錢二分八釐本色糧一千

七百六十二觔八兩合粗糧一十九石六斗三升

五合四勺

小麥十石八斗七升九合六勺穀子七石三斗一升一合五勺大麥一石四斗

四升四合三勺冬春二季共支馬料二石三斗一升四合

二勺

礮手四十名每名歲支錢糧銀二十四兩糧折銀

一十五兩六錢二分四釐本色糧一千二百三十  
三觔十二兩合粗糧一十三石七斗三升八合六  
勺

小麥七石六斗一升五合七勺穀子五石  
一斗一升五合大麥一石零七合七勺

步甲匠役養育兵九百二十名每名歲支錢糧銀

十二兩糧折銀四兩四錢六分四釐本色糧三百

五十二觔八兩合粗糧三石九斗三升一合六勺

小麥二石一斗七升五合九勺大麥二斗八  
升七合九勺穀子一石四斗六升七合八勺

### 惠寧城滿營

協領四員每員歲支俸銀一百三十兩糧料折銀

二百一十二兩六錢二分八釐本色糧三千一百

七十二觔八兩合粗糧三十五石三斗五升七合  
二勺小麥十九石五斗九升一合八勺穀子十三石一斗七升九合大麥二石五斗九升四合  
五馬料十八石五斗一升六合

佐領十六員每員歲支俸銀一百零五兩糧料折  
銀一百四十六兩二錢九分二釐本色糧一千七  
百六十二觔八兩合粗糧一十九石六斗三升五  
合四勺小麥十石八斗七升九合六勺穀子七石三斗一升一合五勺大麥一石四斗四升  
四合馬料十二石三斗四升三合二勺

防禦十六員每員歲支俸銀八十兩糧料折銀八  
十九兩六錢七分六釐本色糧一千七百六十二



筋八兩合粗糧一十九石六斗三升五合四勺小麥

十石八斗七升九合六勺穀子七石三斗一馬料  
升一合五勺大麥一石四斗四升四合三勺

七石七斗一升四合八勺

驍騎校十六員每員歲支俸銀六十兩糧料折銀

七十兩八錢本色糧一千七百六十二筋八兩合

粗糧一十九石六斗三升五合四勺小麥十石八斗七升九合

六勺穀子七石三斗一升一合五勺馬料六石一斗  
勺大麥一石四斗四升四合三勺

七升一合六勺

委筆帖式二員每員歲支鹽菜銀三十六兩其錢糧在

兵數內  
支領

前鋒領催二百四十名每名歲支錢糧銀三十六兩糧折銀及糧料折銀三十七兩一錢二分八釐  
夏秋二季每月糧折銀一兩八錢六分冬春二季每月糧料折銀四兩三錢二分八釐 本色  
糧一千七百六十二觔八兩合粗糧一十九石六斗三升五合四勺  
小麥十石八斗七升九合六勺穀子七石三斗一升一合五勺  
大麥一石四斗四升四合三勺冬春二季共支馬料二石三斗一升四合二勺

馬甲一千四百五十六名

內委筆帖式二員除另支鹽菜銀外仍領本名

下馬甲錢糧

每名歲支錢糧銀二十四兩糧折銀及糧

料折銀三十七兩一錢二分八釐

夏秋二季每月糧折銀一兩八

錢六分冬春二季每月糧料本色糧一千七百六折銀四兩三錢二分八釐

十二觔八兩合粗糧一十九石六斗三升五合四

勺小麥十石八斗七升九合六勺穀子七石三斗一升一合五勺大麥一石四斗四升四合三勺

冬春二季共支馬料二石三斗一升四合二勺

礮手十六名每名歲支錢糧銀二十四兩糧折銀

一十五兩六錢二分四釐本色糧一千二百三十

三觔十二兩合粗糧一十三石七斗三升八合六

勺小麥七石六斗一升五合七勺穀子五石一斗一升五合大麥一石零七合七勺

步甲匠役養育兵四百三十二名每名歲支錢糧

銀十二兩糧折銀四兩四錢六分四釐本色糧三

金大...  
百五十二觔八兩合粗糧三石九斗三升一合六  
勺小麥二石一斗七升五合九勺穀子一石四斗六升七合八勺大麥二斗八升七合九勺

錫伯營

總管一員歲支俸銀一百三十兩

副總管一員歲支俸銀一百零五兩

佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎六員共歲支鹽菜銀六十兩口

糧一千四百四十觔合粗糧一十六石八斗五升

六合八勺

小麥八石八斗八升八合八勺穀子七石九斗六升八合

委筆帖式二員每員歲支鹽菜銀三十六兩

領催三十二名每名歲支錢糧銀三十六兩

披甲九百六十八名每名歲支錢糧銀二十四兩

索倫營

總管一員歲支俸銀一百三十兩

副總管一員歲支俸銀一百零五兩

佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎九員共歲支鹽菜銀九十兩口

糧二千一百六十觔合粗糧二十五石二斗八升

五合二勺小麥十三石三斗三升三合二勺穀子十一石九斗五升二合

委筆帖式二員每員歲支鹽菜銀三十六兩

前鋒四十名每名歲支錢糧銀三十兩

領催三十二名每名歲支錢糧銀三十六兩

披甲九百六十八名每名歲支錢糧銀二十四兩

養育兵二百名每名歲支錢糧銀十二兩

左翼察哈爾營

總管一員歲支俸銀一百三十兩

副總管一員歲支俸銀一百零五兩

佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎三員共歲支鹽菜銀四十五兩

口糧一千零八十觔合粗糧一十二石六斗四升

二合六勺

小麥六石六斗六升六合六勺  
穀子五石九斗七升零六勺

委筆帖式二員一員係隨同領隊大臣辦事每員歲支鹽菜銀

三十六兩

領催三十二名每名歲支錢糧銀二十四兩

披甲八百六十八名每名歲支錢糧銀一十二兩

右翼察哈爾營

總管一員歲支俸銀一百三十兩

副總管一員歲支俸銀一百零五兩

佐領八員每員歲支俸銀一百零五兩

驍騎校八員每員歲支俸銀六十兩

輪住卡倫空藍翎三員共歲支鹽菜銀四十五兩

口糧一千零八十觔合粗糧一十二石六斗四升

二合六勺

小麥六石六斗六升六合六勺  
穀子五石九斗七升零六勺

委筆帖式一員歲支鹽菜銀三十六兩

領催三十二名每名歲支錢糧銀二十四兩

披甲八百六十八名每名歲支錢糧銀一十二兩

上三旗厄魯特營



總管一員歲支俸銀一百三十兩

副總管一員歲支俸銀一百零五兩

佐領六員每員歲支俸銀一百零五兩

驍騎校六員每員歲支俸銀六十兩

輪住卡倫空藍翎三員共歲支鹽菜銀三十三兩

七錢五分口糧八百一十觔合粗糧九石四斗八

升二合

小麥五石穀子四石四斗八升二合

委筆帖式二員一員係隨同領隊大臣辦事每員歲支鹽菜銀

三十六兩

領催二十四名每名歲支錢糧銀二十四兩

食一兩五錢披甲二名每名歲支錢糧銀一十八

兩

食一兩披甲四百七十四名每名歲支錢糧銀一  
十二兩

食五錢披甲六百六十四名每名歲支錢糧銀六  
兩

下五旗厄魯特營

總管一員歲支俸銀一百三十兩

副總管二員每員歲支俸銀一百零五兩

佐領十員每員歲支俸銀一百零五兩

驍騎校十員每員歲支俸銀六十兩

輪住卡倫空藍翎三員共歲支鹽菜銀三十三兩

七錢五分口糧八百一十觔合粗糧九石四斗八

升二勺

小麥五石穀子四石四斗八升二合

委筆帖式一員歲支鹽菜銀三十六兩

拜唐阿一名歲支銀三十六兩

領催四十名每名歲支錢糧銀二十四兩

食一兩披甲五百名每名歲支錢糧銀一十二兩

食五錢披甲一千零七十七名每名歲支錢糧銀

六兩

沙里納爾營

副總管職銜佐領一員歲支俸銀一百零五兩

佐領三員每員歲支俸銀一百零五兩

驍騎校四員每員歲支俸銀六十兩

輪住卡倫空藍翎二員共歲支鹽菜銀二十二兩

五錢口糧五百四十觔合粗糧六石三斗二升一

合三勺

小麥三石三斗三升三合三勺  
穀子二石九斗八升八合

額僱十六名每名歲支錢糧銀二十四兩

委領僱十六名每名歲支錢糧銀一十二兩

披甲五百七十一名每名歲支錢糧銀六兩

綠營

總兵一員歲支俸薪蔬燭紙紅銀五百一十一兩  
五錢七分二釐養廉銀二千一百兩例馬料草折  
銀一百六十五兩本色馬料六十一石

叅將一員歲支養廉銀八百兩俸薪蔬燭紙紅銀  
二百四十三兩三錢三分六釐例馬料草折銀八  
十二兩本色馬料三十石八斗

遊擊二員每員歲支養廉銀六百兩俸薪蔬燭紙  
紅銀二百三十一兩例馬料草折銀六十一兩本  
色馬料三十三石

都司二員每員歲支養廉銀三百八十兩俸薪蔬  
燭紙紅銀一百四十一兩三錢九分六釐例馬料  
草折銀四十一兩本色馬料十五石

守備五員每員歲支養廉銀三百二十兩俸薪蔬  
燭紙紅銀九十兩七錢零八釐例馬料草折銀四  
十一兩本色馬料十五兩

千總十員每員歲支養廉銀一百八十兩俸薪銀  
四十八兩例馬料草折銀二十兩本色馬料七石  
把總十九員每員歲支俸銀三十六兩養廉銀一  
百二十兩例馬料草折銀二十兩本色馬料七石

經制外委二十九員每員歲支養廉銀二十八兩  
餉銀十六兩糧折銀二十五兩一錢四分二釐八  
毫馬乾銀七兩一錢四分

額外外委二十九名每名歲支餉銀十六兩糧折  
銀二十五兩一錢馬乾銀七兩一錢四分

馬兵一千五百名每名歲支餉銀折色馬乾與額  
外外委同

步兵一千五百名每名歲支餉銀十二兩糧折銀  
十八兩八錢五分六釐八毫

東路軍臺

委筆帖式二員每員歲支鹽菜銀三十六兩口糧

一千零八十八觔合粗糧一十二石六斗四升二合

六勺

小麥六石六斗六升六合六勺穀子五石九斗七升六合

馬兵三十名每名歲支鹽菜銀十二兩三錢口糧

四百四十觔合粗糧五石二斗三升零二勺

小麥一石

三斗五升七合九勺大麥一石四斗三升四合五勺七合八勺穀子二石四斗三升四合五勺

步兵三十名每名歲支鹽菜銀十二兩口糧四百

三十二觔合粗糧五石一斗三升八合四勺

小麥一石

三斗三升三合三勺穀子三石三斗九升零四勺大麥一石四斗一升四合七勺

南路軍臺



委筆帖式五員

滿營四員 錫伯營一員

每員歲支鹽菜銀三

十六兩口糧一千零八十八觔合粗糧一十二石六

斗四升二合六勺

小麥六石六斗六升六合六勺 穀子五石九斗七升六合

披甲一百零五名每名歲支口糧三百六十觔合

粗糧大麥三百七十石五斗八升入合二勺

回子

阿奇木伯克一員歲支養廉銀五百兩

伊什罕伯克一員歲支養廉銀二百兩

通事八名每名歲支鹽菜銀十兩八錢

喇嘛

副大喇嘛一名歲支錢糧銀一百一十三兩六錢

六分四釐口糧七千五百六十觔合粗糧八十八

石四斗九升八合六勺

小麥四十六石六斗六升六合六勺穀子四十一石

八斗三升二合

蘇拉喇嘛一名歲支錢糧銀四十四兩七錢六分

口糧三千二百四十觔合粗糧三十七石九斗二

升八合

小麥二十石穀子十七石九斗二升八合

首領喇嘛四名每名歲支錢糧銀一十八兩口糧

四百八十觔合粗糧五石七斗零六合

小麥一石四斗八升

一合

四勺穀子二石六斗五升六合大麥一石五斗六升八合六勺

格隆格楚爾喇嘛九十六名每名歲支錢糧銀一十二兩口糧三百六十觔合粗糧四石二斗七升九合五勺

小麥一石一斗一升一合一勺穀子一石九斗九升二合大麥一石一斗七升

六合四勺

### 土爾扈特和碩特

汗一員歲支俸銀二千五百兩俸緞四十疋

親王一員歲支俸銀二千兩俸緞二十五疋

郡王一員歲支俸銀一千二百兩俸緞一十五疋

貝勒一員歲支俸銀八百兩俸緞一十三疋

貝子三員每員歲支俸銀五百兩俸緞十疋

輔國公二員每員歲支俸銀二百兩俸緞七疋

札薩克頭等台吉四員每員歲支俸銀一百兩俸  
緞四疋

右糧餉 俸緞附

乾隆二十五年辦事大臣阿桂

奏明每年由內地蘇杭江寧等處估調綢緞綾絹一  
千餘疋二千疋不等存庫收貯將軍大臣官兵買  
用並易換哈薩克牲畜

右綢緞

乾隆二十七年將軍明瑞

奏明每年由葉爾羌和闐等處額運回布九萬九千  
餘疋內每年轉運塔爾巴哈台三四千疋其餘布  
疋存庫收貯以便易換哈薩克牲畜

右回布

乾隆二十八年恭贊大臣伊勒圖

奏明每年由葉爾羌和闐等處額運棉花一萬五千  
觔存庫收貯每歲入旗官兵分員

右棉花

乾隆二十九年將軍明瑞

奏明每年由陝甘省額調茶葉一十一萬一千五百

勦存庫收貯每年將軍大臣官兵分員

右茶葉

欽頒坐名勅書一道

乾隆二十七年設總統伊犁等處將軍蒞任時頒發每遇新任將

軍應報

部更換

歷任交代

上諭一冊

欽頒新疆得勝圖一分

欽頒金川得勝圖一分

欽頒臺灣得勝圖一分

欽頒臺灣戰圖一分

欽頒安南戰圖一分

欽頒廓爾喀戰圖一分

欽頒貴州平苗戰圖一分

聖製喇嘛說一卷

欽頒萬壽盛典四套

欽定外藩蒙古回部王公表傳十八套

滿洲蒙古漢字各六套

御製木蘭記清字墨刻一卷

御製明慎用刑說墨刻一卷

御製八旗箴墨刻一卷

御製普陀宗乘之廟瞻禮紀事詩墨刻一卷

御製訓諭八旗簡明語墨刻一卷

御製廟志詩墨刻一卷

御製南苑大閱詩墨刻一卷

欽頒辛酉工賑紀事一冊

銜工條例一冊

大清會典一百冊

酌歸簡易條款二冊

大清律清漢字八十冊

大清清字律二十冊

大清校正條例清漢字二冊



大清續編清字例六冊

清漢蒙古則例四冊

清漢蒙古則例八冊

大清纂修條例四冊

續頒纂修條例四冊

漢字纂修條例一冊

大清補纂條例一冊

清字行軍條例三冊

大清續纂清漢字條例八冊

清漢字八旗則例八冊

續頒八旗則例八冊

漢字吏部處分則例十六冊

清漢字吏部處分則例三十二冊

銓選滿漢官則例四冊

續頒銓選則例八冊

滿漢官員銓選則例二冊

中樞政考清漢字一百二十八冊

續頒中樞政考二十八冊

滿漢官員清漢字中樞政考十六冊

緣管官員清漢字中樞政考二十冊

品級考二冊

品級考六冊

續頒品級考四冊

督捕則例清漢字四冊

續頒督捕則例四冊

三流道里表四冊

續頒三流道里表四冊

洗冤錄四冊

清文鑑八套

滿洲蒙古漢字清文鑑三十二冊

北路地理圖二張

右圖籍

辦事大臣銀印一顆

乾隆二十六年

頒給二十七年設立將軍後於二

十八年奏明存庫

令箭二壺

十二枝

將軍龍纛幅二頁

旗杆頭牌簪纓全

報匣四個

鑰匙二把

右法物